



Broj: 01-04-112/21

Jablanica, 21.01.2021.godine

Na osnovu člana 44., a u vezi sa članom 41., tačka 6. Zakona o lokalnoj samoupravi („Službene novine HNK“, broj: 4/00), te člana 18. Statuta Općine Jablanica („Službeni glasnik općine Jablanica“, broj: 2/09, 8/16 2/20) na sjednici Općinskog vijeća Jablanica, održanoj dana 26.02.2021.godine, Općinski načelnik podnosi na usvajanje

PROGRAM

rada Općinskog načelnika za 2021. godinu

I Uvod

Programom rada Općinskog načelnika utvrđuju se temeljni principi i osnovne smjernice djelovanja Općinskog načelnika, općinskih službi za upravu i stručne službe u 2021. godini, a koji proizilaze iz djelokruga rada općinskog načelnika kao izvršnog organa Općine, u okviru nadležnosti općine kao jedinice lokalne samouprave.

Programske aktivnosti podrazumijevaju provođenje zakona i drugih propisa, utvrđenih politika i strateških dokumenata Općine Jablanica, te donošenje i predlaganje odluka, planova i drugih dokumenata u skladu sa propisanim nadležnostima.

Evidentno je da je postojeće stanje u Općini Jablanica kompleksno, da postoje mnogi problemi i da ima dosta prostora za poboljšanje u brojnim oblastima.

Kako bi ostvarili napredak, neophodno je detektirati ključne probleme, utvrditi modalitete i prioritete njihovog rješavanja, što nije jednokratna aktivnost, već je riječ o kontinuiranom procesu kojim želimo unaprijediti funkcionisanje općinskog organa uprave, poboljšati poslovno okruženje, osnažiti partnerske odnose sa privrednicima, provoditi projekte od interesa za općinu Jablanica i njene stanovnike.

Sve aktivnosti biće usmjerene na poboljšanje uslova života građana, povećanju efikasnosti i transparentnosti rada organa uprave, te boljoj komunikaciji sa građanima.

II Ciljevi za 2021. godinu

Aktivnosti koje će realizirati Općinska uprava tokom 2021. godine baziraju se na obavezujućim unutrašnjim i vanjskim propisima, a planiraju se na osnovu zahtjeva proisteklih iz



zakona, sporazuma – ugovora sa domaćim i međunarodnim organizacijama i institucijama, Općinskog budžeta za 2021. godinu, programa rada Općinskog vijeća i Općinskog načelnika, razvojnih i drugih usvojenih dokumenata i programa uz predviđenu provedbu periodičnog preispitivanja, analize i izvještavanja, a uz osiguranje odgovarajućih resursa: obučeno i obrazovano osoblje i organizovanu materijalno-tehničku podršku, kao preduslova za uspješnu realizaciju planiranih aktivnosti.

Općina Jablanica će početkom 2021. godine posebanu pažnju i odgovornosti usmjeriti na prilagođavanje strateškog dokumenta u Općini Jablanica, odnosno donošenje Strategije razvoja Općine Jablanica za period 2021.-2027. godina, te donošenje trogodišnjeg plana razvoja i provođenje godišnjeg Akcionog plana realizacije Integralne strategije razvoja općine Jablanica, stvaranje preduslova za bolji život njenih građana, pokretanje inicijativa i podupiranje realizacije istih, te će izradom projektnih prijedloga, implementacijom, monitoringom i evaluacijom projekata, mjera i programa koji su definisani u Akcionom planu za 2021. godinu nastojati Općinu Jablanica pozicionirati kao stabilnu općinu gdje je ugodno živjeti njenim građanima.

Općina Jablanica i program i plana rada Općinskog načelnika direktno ili indirektno doprinosi za ostvarenje sva tri strateška cilja:

Strateški cilj 1. Razvijena privreda koja se temelji na izvrsnosti obrade kamena, razvijenog poduzetništva i turizma.

Strateški cilj 2. Poboľšan kvalitet života i sigurnost građana.

Strateški cilj 3. Unaprijeđene komunalne usluge i održivo upravljanje prirodnim resursima.

Naprijed navedeni ciljevi će možda biti u manjoj mjeri korigovani u zavisnosti od prijedloga za njihovom izmjenom kroz proces revidiranja, prilagođavanja strateškog dokumenta.

Osnovni pravci provođenja općinske politike bit će usmjereni kroz realizaciju sljedećih programa i to:

Operativni akcioni plan Integralne strategije razvoja općine za 2021. godinu, sa programom realizacije kapitalnih investicija;

- Implementacija usvojenog Prostornog plana općine Jablanica;
- Provođenje ostalih programa usvojenih u Općini Jablanica;
- Održavanje certifikacije BFC općina sa dobrim poslovnim okruženjem;
- Održavanje ISO standarda 9001/2015.

U tekućoj godini nastavljamo sa održavanjem usvojenih politika i ciljeva međunarodnog certifikata ISO, s tim da smo opredjeljeni da održavamo i stalno poboljšavamo poslove kako bi zadržali i unaprijedlili normu ISO 9001/2015. Iako je uvođenjem informacionog sistema upravljanja (Sistem S-48) podignuta odgovornost uprave prema građanima ali i Javnih preduzeća i Javnih ustanova prema korisnicima njihovih usluga., fokus sistema sa pružanja usluge građanima i privrednim subjektima s ciljem davanja odgovora na njihova pitanja, treba biti usmjeren na rješavanje njihovih problema.

III Prikaz najvažnijih aktivnosti na realizaciji projekata koji su planirani za finansiranje u Budžetu za 2021. godinu

Ovim programom, a u najvećoj mogućoj mjeri naše aktivnosti prvenstveno moraju biti usmjerene na još bolji rad službi u organu uprave Općine Jablanica, koje trebaju biti usmjerene i maksimalno angažovane na ostvarenje prihoda u budžetu općine, onih prihoda za koje su zadužene službe Općine Jablanica, te realizaciju investicija u općini Jablanica kao jedno od prioriternih, moglo bi se reći najvažnijih pitanja za općinu Jablanica.

Nastavljamo sa kontrolom javne potrošnje uz poštivanje mjera štednje. Nastavljamo sa izdvajanjima kako u organu uprave tako i za redovne tekuće transfere kao i izdvajanjima za subvencije javnim ustanovama i javnim preduzećima te izdvajanja za tekuće transfere neprofitnim organizacijama kao i ostale izdatke.

Posebnu pažnju moramo usmjeriti u aktivnosti oko realizacije kapitalnih transfera u budžetu za 2021. godinu čija će realizacija zavisiti od ostvarenja prihoda u budžetu općine, a prioritetno se trebaju realizovati projekti koji su ugovoreni, a nerealizovani, kao što su završetak uređenja Gradskog parka, završetak projekta osvjetljenja pomoćnog igrališta, te izrade projekata hortikulturnog uređenja urbanog područja Jablanice, Regulacionog plana Gradski centar 1., regulacionog plana Gornja Kolonija, te projektovanje i sanacija dijela gradskog vodovoda u užem gradskom području i Gornjoj Koloniji i dr.

Kroz budžet općine Jablanica planiraju se realizovati projekti iz Operativnog plana Integralne strategije za 2021. godinu i to projekti LER-a, projekti društvenog razvoja, projekti okoliša kao i ostali projekti i ostali kapitalni izdaci koji se tiču infrastrukturnog uređenja užeg i šireg područja općine Jablanica. Poseban akcent je dat za podršku zapošljavanja i to kroz manju od uobičajene podrške za izgradnju i opremanje poslovnih zona, kao i značajnim izdvajanjem sredstava poticaja i subvencioniranje kroz program subvencioniranja MSP, te izdvajanja za sufinansiranje i podrške u zapošljavanju volontera i zaposlenika VŠS i VSS u općini Jablanica. U narednom periodu će aktivnosti biti usmjerene na praćenje obaveza investicionog ulaganja u poslovnoj hali industrijske zone UNIS, kao i traženje investitora za realizaciju investicija u preostaloj hali. Također, značajna pažnja organa uprave će biti posvećena realizaciji stečajnog plana preduzeća Granit, praćenja procesa dobivanju koncesija za eksploataciju i iznalaženja streteškog partnera.

Ulaganja u kapitalne izdatke planirana su u ukupnom iznosu oko 2,2 miliona KM uz činjenicu da su okvirno uvažena izdvajanja po zaključku Parlamenta FBiH od sredstava naknade za korištenje hidropotencijala za područja oštećena od hidroakumulacije i činjenicu da su u ova izdvajanja uračunate obaveze za kreditna sredstva za kapitalne projekte. Značajno je istaći očekivanu podršku JP „EP“ BiH u vezi obaveza prema općini, i završetak realizacije projekta sanacije porušenog mosta „Bitka za ranjenike na Neretvi“ kao i drugih projekata. Znamo da je projekat sanacije porušenog most „Bitka za ranjenike na Neretvi“ trebao započeti u 2017. godini, ali nakon mnogo peripetija isti će napokon biti završen u 2021. godini i taj projekat odnosno njegova realizacija i vraćanje glavnog eksponata Muzeja „Bitka za ranjenike na Neretvi“ će biti značajna podrška razvoju turizma. Naš najvažniji eksponat bićei „vraćen“ turistima, što uz JP „Park prirode Blidinje“, Ski centar Risovac, nekropolu stećaka na Dugom polju, uz postojeće smještajne kapacitete, potencijal lokaliteta Štrbina je put koji bi trebao dovesti jablanički turizam na ono mjesto na kojem realno treba da bude, a naša Jablanica će ponovo postati prepoznatljivo turističko odredište Bosne i Hercegovine. Svaka daljnja privatna investicija u gradskom i seoskom području u smještajne kapacitete može doprinjeti vraćanju Jablanice na turističku mapu Bosne i Hercegovine kad je u pitanju ostvarenje broja noćenja što će općina Jablanica u narednom periodu podsticati davanjem podrške subvencioniranjem ili na drugi institucionalni način.

U ovoj godini takođe nastavljamo prioritetno sa podrškom u zapošljavanju kroz izdvajanja za poticaje, poticaje za investicije u poljoprivredi, podrška za zapošljavanje kroz kreditna sredstva za obrte, mala i srednja preduzeća (koju ćemo pokušati ugovoriti sa komercijalnom bankom, imamo najave od jedne banke da žele investirati svoja sredstva u privredu Jablanice), subvencije u zapošljavanju lica sa višom i visokom školom, subvencije u zapošljavanju invalidnih osoba i druga

izdvajanja. Pored naprijed navedenih posticaja dogovoreno je sa investitorom otpočinjanje proizvodnje u hali industrijske zone UNIS.

Naprijed je malo rečeno da želimo podržati zapošljavanje davanjem kredita za privredne subjekte, uz obavezu da prije ugovaranja trebamo obaviti dosta razgovora sa našim privrednim subjektima i ispitati njihovu spremnosti da apsorbuju obezbjeđena kreditna sredstva, kako kroz Vijeće za konkurentnost tako i kroz direktne razgovore za privrednim subjektima uključenim u rad Udruženja privredniak Jablanica.

Uz navedeno, a u vezi podrške zapošljavanju u idućoj godini prioritet je i ulaganje u turističke kapacitete Bijele staze Via Dinarica, projektovanje i apliciranje projekta za izgradnju Vatrogasnog doma, popunjavanje kapaciteta proširenog Doma za stara i iznemogla lica i uređenje vanjskog prostora, završetka izgradnje i useljavanja korisnika u zgradu socijalnog stanovanja na Gornjoj koloniji, te učešće u projektima EU fondovi-sufinansiranje i projektu druge faze, Razvijene mjesne zajednice.

Nakon usvajanje i donošenje Regulacionih planova, Centar I i Centar II i ciljanih Izmjena istih stvorene su pretpostavke za uređenje užeg gradskog područja i stvaranje boljih uslova života građana kroz novu stambenu gradnju, rješavanje pitanja saobraćaja u mirovanju, kao i druga značajna uređenja prostora.

Kao Općinski načelnik nastavit ću intezivne razgovore o realizaciji obaveza od strane JP „EP BiH“ Sarajevo, prema Općini Jablanica po urbanističko-tehničkim uslovima za izgradnju HE „Grabovica“ kao i po posebnom sporazumu vezanom za izdavanje upotrebne dozvole za HE „Jablanica“. Cijenimo da je rukovodstvo JP „EP BiH“ Sarajevo spremno da, i pored velikih problema sa kojima se isti susreću, u 2021. godini konačno započnu rješavati otvorenja pitanja koja se tiču rekonstrukcija vodovoda Donja Jablanica - Glavni rezervoar i prioriteto rješavanje kanalizacione mreže u gradskom području.

Nakon odobravanja koncesije od Vlade HNK za izgradnju mini HE na rijeci Doljanci, očekujemo uspješan završetak aktivnosti na dodjeli novih koncesionih ugovora o koncesiji za prirodna bogatstva (kamen, šljunak gips i dr.), naročito ugovora za preduzeće Granit.

Obzirom da su završeni radovi vezane za asfaltiranju regionalnog puta R-419 (sada magistralnog M-17.5) na lokalitetu Sovići-Sovička vrata i konačno riješeno veoma značajno pitanje za razvoja turizma na lokalitetu Risovac smatramo potrebnim intenziviranje razgovora sa Vladom Federacije Bosne i Hercegovine i nadležnim ministarstvima u vezi potpune rekonstrukcije ovog puta na relaciji od Jablanice do Sovića. Kontinuirano ćemo voditi aktivnosti na rješavanju pitanja rekonstrukcije tunela Crnaja kao i praćenja radova s ciljem umanjenja negativnih efekata na privrednike i građane naše Općine, koje može proizvesti rekonstrukcija i stvaranje saobraćajnih gužvi i kolapsa privrede u lokalnoj zajednici. Također smatramo da je vrijeme i učinit ćemo sve da dođe do realizacije izgradnje pasarele i rješavanja prelaza na magistralnom puti M-17, lokalitet Lendava kao i završetka rekonstrukcije ovog puta u ulici Jaroslava Černija i rješavanju problema saobraćaja izgradnjom treće trake.

U narednoj godini intenzivirat ćemo razgovore sa Upravom JP Autoceste FBiH u vezi sa realizacijom Zaključka Doma naroda Parlamenta Federacije BiH i rješavanja pitanja saobraćajnog rješenja u vezi najpovoljnijeg priključka na trasi koridora Vc.

U oblasti poboljšanja uslova snabdijevanja vodom kroz projektovanje, rekonstrukciju ili izgradnju vodovoda kandidovat ćemo Kantonalnom ministarstvu vodoprivrede, poljoprivrede i šumarstva projekte za sufinansiranje i to rekonstrukciju vodovoda, a značajni dio projekata odnosi se na finansiranje glavnih projekata vodovodne i kanalizacione mreže sa područja Općine Jablanica. Također, planiramo započeti realizaciju projekta obezbjeđenja industrijske vode za poslovnu zonu

Donja Jablanica. U narednoj godini planiramo nastaviti rješavati imovinsko-pravna pitanja kako bi otpočeli izgradnju novog kanalizacionog sistema Zlate ako obezbjedimo finansijska sredstva za isto. Također se planira nastavak izgradnje kanalizacije u MZ Slatina kao i nastavak rekonstrukcije glavnog gradskog vodovoda, te vodovoda u prigradskim i seoskim naseljima u saradnji sa Vladom HNK, nadležnim Ministarstvom HNK uz sufinansiranje Općine.

Nakon uspješne uspostave Konkurentskog vijeća u Općini Jablanica i saradnje javnog sektora sa privrednim u narednoj godini želimo realizovati veći broj projekata kroz konkurentsko vijeće u cilju poboljšanja privrednog ambijenta u Općini Jablanica, a takođe smatramo neophodnim uspostaviti još bolju saradnju sa Udruženjem privrednika Općine Jablanica kao i Savezom poljoprivrednih udruženja Općine Jablanica. Nadamo se da će javni i privatni sektor u Općini Jablanica naći zajednički jezik kako bi uspjeli realizovati projekte na obostrano zadovoljstvo.

Neophodno je u narednom periodu nastaviti aktivnosti na promociji Općine u BiH i šire, kroz ponudu svih potencijala za investitore, te se još više angažovati na kandidovanju projekata kod međunarodnih organizacija, te učiniti napor da učeštvujemo u projektima prekogranične saradnje. Ove naše aktivnosti možemo značajno unaprijediti sa našim privrednicima koji također mogu naći svoj interes za investiranjem u našu općinu. Cilj u narednom period je unaprijeđenje saradnje sa pobratimskim i prijateljskim općinama i gradovima kao i uspostavljanje saradnje sa najrazvijenijim lokalnim sredinama u Bosni i Hercegovini, kako bi preuzeli njihova znanja, iskustva i dobre prakse u svim segmentima privrednog i društvenog života.

Ističemo takođe neophodnost dobre saradnje sa Savezom općina i gradova u FBiH zbog prvenstveno aktivnog učešća u donošenju propisa viših nivoa vlasti, kao i saradnju sa svim drugim institucijama na svim nivoima.

Kao posebno značajno ističemo nastavak pružanje pomoći u rješavanju problema funkcionisanja javnih preduzeća i ustanova čiji je osnivač Općina, te posebnu pažnju moramo i dalje usmjeriti u vezi pitanja funkcionisanja JKP „Jablanica“ d.d. Jablanica – u stečaju kao preduzeća od posebnog interesa za Općinu Jablanica, obzirom da je komunalna djelatnost od posebnog značaja za sve građane Općine Jablanica, zbog činjenice da je nakon usvojanja stečajnog plana ovo preduzeće pozitivno poslovalo do 2020. godine u kojoj je ostvilo značajan negativan rezultat.

Smatramo veoma bitnim uspješan rad nevladinih organizacija, posebno boračkih organizacija kao i sportskih udruženja, te smatramo da smo kroz donešene odluke vezanih za sporta i razvoj sporta, odnosno sufinansiranje sporta ovo pitanje uredili na bolji način, mada je neophodno i dalje pratiti razvoj finansiranja sporta i pokušati isti unaprijediti i eventualno obezbjediti dodatna finansijska sredstva. Smatramo da je potrebno dopuniti odluku Općinskog vijeća Jablanica o proglašenju nevladinih organizacija od interesa za Općinu Jablanica, te eventualno izdefinisati dodatne interese Općine Jablanica i uvrstiti u istu još neke organizacije. Pratimo realizaciju sredstava planiranih za utrošak kroz Pravilnik o uslovima, načinu i kriterijima za pružanje pomoći u rješavanju stambenih pitanja porodica poginulih, umrlih i nestalih branilaca i boračkih populacija i ako bude potrebno spremni smo prelagati korekcije istog. Počinjemo sa institucionalnim rješavanjem pitanja razvoja kulture, obezbjeđenjem transfera za kulturu u Budžetu za 2021. koji će pratiti donošenje Programa utroška planiranih sredstava za kulturu.

Planiramo u 2021. godini implementirati projekat sufinansiranja volontera i zaposlenika kod privrednih subjekata sa područja općine Jablanica, a naravno i dobro analizirati efekte ovih poticaja koji mladim ljudima pružaju priliku da steknu prva radna iskustva.

Ovim planom i programom je obuhvaćena i realizacija Programa rada Općinskog vijeća kao ključnog Programa kojim su obuhvaćeni akti iz djelokruga rada organa uprave koje je neophodno kvalitetno pripremiti da bi se isti usvojili i uspješno implementirali.

Posebno bitnim smatramo efikasnije rješavanje postupaka prodaje zemljišta, rješavanja po zahtjevima građana, i rješavanja zahtjeva za legalizaciju objekata preko nadležne službe kao i komisije za legalizaciju, a koji će se nakon donešene nove Odluke o građevinskom zemljištu u velikoj mjeri okončati s ciljem ostvarenja prihoda u planiranim iznosima. Po ovom pitanju ostaje problem vezan za šumsko zemljište, jer je veliki broj bespravnih objekata pod ovim zemljištem. Ovo pitanje treba rješavati što skorije, mada je veoma kompleksno i ne zavisi samo od općine Jablanica.

Realizacija ovog Programa uslovljena je raznim faktorima, pandemijom, teškom ekonomskom i socijalnom situacijom u Bosni i Hercegovini, nestabilnom političkom klimom kao i nestabilnim tržište na što naravno vrlo malo uticaja ima lokalna zajednica.

Program rada Općinskog načelnika i službi ostaje otvoren za sve prijedloge i inicijative, te se prihvataju određene izmjene i dopune u toku realizacije po ukazanoj potrebi.

Usvajanjem ovog Programa nosioci iz ovog Programa Općinski načelnik, šefovi službi, šefovi odjeljenja u službama Općine Jablanica, snose odgovornost za realizaciju istog, a odgovorni su za blagovremeno vođenje svih aktivnosti za izvršenje ovog Programa, te Programa rada Općinskog vijeća Jablanica.

Program rada Općinskog načelnika za 2021. godinu, objavit će se u „Službenom glasniku Općine Jablanica“.

Sastavni dio Programa rada Općinskog načelnika su Programi rada Službi za upravu i stučnih službi i to:

1. Služba za opću upravu, društvene djelatnosti, boračko-invalidsku zaštitu i socijalna pitanja i zajedničke poslove;
2. Služba za upravu za prostorno uređenje, građenje, zaštitu okoline, stambeno-komunalne poslove;
3. Služba za lokalni ekonomski razvoj i investicije, finansije i trezor;
4. Služba Civilne i protiv požarne zaštite;
5. Služba za upravu za geodetske, imovinsko-pravne poslove i katastar nekretnina;
6. Stručna služba za poslove Općinskog vijeća.

U naprijed navedenim programima službi mogu se naći podaci vezani za ciljeve općinskih službi, pregled strateško-programskih i redovnih poslova, budžeti općinskih Službi, mjerenje i izvještavanje o uspješnosti rada Službi kao i ljudski resursi po općinskim Službama.

DOSTAVLJENO:

1. Općinsko vijeće Jablanica
2. Općinski načelnik Jablanica
3. a/a

OPĆINSKI NAČELNIK

Damir Šabanović, dipl.ecc s.r